

آبونه اولوق ایستینلر دائره عدلیه ده  
اداره مخصوصه سنه مراجعت  
ایملیدر

اعلانانک بهرندن بر مجیدیه اخذ  
ایدیلور

نسخه سی ۴۰ پاره در

# تذکره محاکمه علییه

سنه لکی در سعادت ایچون مجیدیه  
یکرمی غروش حسابیه التمش  
غروشدر

طشمره ایچون بوسته اجرتی اوله رق  
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## محاکمه ایچون مقررالت

انطالیه سنجانی تجارت محکمه سی رئیس سابقی  
ابراهیم نجاتی افندینک اوراق انفصالیه و مدافعه نامه سی  
انجمن انتخاب مأمورین عدلیه جه لدی التدقیق جواز  
استخدامنه قرار ویرلشدر.

## محکمه تمیز حقوق دائره سندن تنظیم واعطا اولنان اعلامدر:

مدللو سنجانی داخلنده مانده مانده ناحیه سنک  
قوقیده قریه سی اهالیسندن قره محمد اوغلی علی دای  
ایله مانده مانده قصبه سنده مقیم تجاردن پنايوط قومیل  
بیننده متحدث دعوايه دائر مانده مانده بدایت  
محکمه سندن ۱۱ کانون اول سنه ۳۱۳ تاریخ ویکرمی  
القی عددی ایله ویریلان اعلام مزبور علی دای  
جانبندن تمیز اولمغله اعلام مذکور طرفینک اعتراض  
وجواب لایحه لرله بالمطالعه تدقیقات تمیزیه اجراسنه  
ابتدار قلندی.

اعلام مذکورک خلاصه مالی مرقوم پنايوطک  
مزبور علی دای ذمتده باسند سیم مجیدی اوتوز  
اوج غروش حسابیه الی یوز الی ایکی و بادفتر بیک  
یتش ایکی غروش اون پاره که جمعاً بیک یدییوز  
یکرمی درت غروش اون پاره آله جفی اولمغله مع  
فائض تحصیلنی طلب و دعوی وبرقطعه سند ابراز  
واعطا ایتسی ومدعی علیه علینک دعوت واقعه  
اجابت ایتماسی اوزرینه وکیل مسخر حضوریه سبق  
ایدن محاکمه و تدقیقات نتیجه سنده مبلغ مدعا بهک  
عند الاعتراض اثبات ویمینه تعلیقاً مدعی علیه غائب  
مرقومدن مع فائض تحصیلنه حکمدن ومستدعی تمیز  
علینک اشبو حکم علیه لایحه سنده محرر اعتراضاتنک  
باشلوجه سی وکیل مسخرک انکاری اوزرینه مدعی به  
دعواسنی اثبات ایتدیرمک لازم کلورایکن اثبات مدعا  
ایدلمکسزین مبلغ مدعا بهک حکم آلتیه آلتیه یولسز  
ومغایر اصول وقانون اولدیغندن بحثله اعلامک تقضی

استدعاسندن ومدعی علیه مرقوم پنايوطک لایحه سنده  
مندرج نتیجه جوابی دخی حکم وافع موافق اصول  
وقانون ایدوکی بیانیله اعتراضات مسروده نک ردی  
واعلام مذکورک تصدیقی طلبندن عبارت بولنشدر.  
ایجابی مذاکره اولندقدده اعلام مذکور مألندن  
مستبان اولدینی اوزره وقوع بولان دعوتیه مدعی علیه  
علی دایینک اجابت ایتماسی اوزرینه محافظه حقوقی  
ضمننده محکمه جه تعیین قلنان وکیل مسخر حضورنده  
مبرز سند زیرنده کی مهرک اصول محاکمه حقوقیه  
قانوننک تطبیق خط و خاتم فصلانه توفیقاً تدقیقی اقتضا  
ایدر ایکن بوجهت اجرا ایدلمکسزین اعتراض  
وقوعنده اثبات ویمینه تعلیقاً ایجابنه باقلمق اوزره  
حکم آلتیه آلتیه یولسز ومغایر اصول وقانون  
اولدیغندن اصول محاکمه حقوقیه قانوننک ایکی یوز  
اوتوز ایکنجی وایکی یوز قرق دردنجی ماده لری حکمه  
توفیقاً کیفیتک بوجه مشروح اعلامه ربطی ضمننده  
محکمه مذکوره به اعاده سنه ۲۳ تموز ۳۱۳ تاریخنده  
اکثریت آرا ایله قرار ویرلدی.

## محکمه تمیز استدعا دائره سندن تنظیم واعطا قلنان اعلامدر:

سرفیچه بدایت محکمه سی جزا دائره سندن استینافاً  
لاحق اولوب ۱۲ حزیران سنه ۳۲۲ تاریخنده تفهیم  
قلنان قراری متضمن ۱۳ حزیران سنه ۳۲۲ تاریخلی  
وایکی یوز یکرمی سکر عددلی اعلامک تمیزاً تدقیقی  
مستدعی کره بنه لی فرونجی مترو قسطندی غراماتی  
طرفندن معطی ۱۷ حزیران سنه ۳۲۲ تاریخلی  
استدعانا مه واوراق متفرعه سی باش مدعی عمومیلک  
مأموریت بهیه سنک ۳۱ کانون ثانی سنه ۳۲۲ تاریخلی  
تبلیغنامه سیله محکمه تمیز استدعا دائره سنه تودیع اولنش  
واستدعانا مه مذکور مدت وشروط قانونیه سنه موافق  
کورنش اولمغله بالقبول تدقیقات تمیزیه اجراسنه  
ابتدار قلندی.

اعلام مذکورک خلاصه مالی ماریه بنت

یورکینک آتمکی پیشیرمدیکی ادعاسیله مظنون  
علیه اولان کره بنه قصبه لی فرونجی متر ولد قسطندی  
حقننده بدایتاً اجرا قلنان محاکمه نتیجه سنده  
مظنون مرقومک اقدجه ماریه نک آتمکی پیشیرمکده  
اولدینی حالده اخیراً بعض مطالعات سردیله مزبور نک  
آتمکی پیشیرمیه جکی وکندوسنه آتمک دخی  
یره میه جکی سویلسنه مینی قانون جزانک ایکی  
یوز اوتوز طقوزنجی ماده سنک صوک فقره سی حکمه  
توفیقاً مرقومک ایکی آی حبسنه واون مجیدی آلتونی  
جزای نقدی ایله محکومیتنه دائر لاحق اولان اعلام  
علیه نده محکوم مرقوم طرفندن اقامه اولنان استیناف  
دعواسی اوزرینه جریان ایدن محاکمه و تدقیقات  
استینافیه نتیجه سنده مظنون مرقومک فعل مذکور  
اجتساری کندیسنک اقراری واولباده کی زورنال  
مندرجاتیه ثابت اولدیغندن فقره مذکور موجنجه  
مرقومک کذلک ایکی آی بدتله حبسنه واون مجیدیه  
آلتونی جزای نقدی ایله محکومیتنه حکم ویرلیدکنندن  
عبارت بولنشدر.

لایحه تمیزیه ده خصوص مذکور حقننده پولیس  
مأموری طرفندن ویریلان ژورنال اوزرینه تعقیب  
اولنان دعوی نتیجه سنده دعوانک حوایض ضروریه دن  
عد ایدیلرک نامنه جلبنامه تسطیر اولنمقسزین محاکمه نک  
رؤیتیه محکومیتنه قرار ویرلسی یولسز اولدینی کبی  
جرم ایله جزا بیننده نسبت عادلّه وتطبیقات قانونیه ده  
دخی اصابت اولمدینی وعلیه نده اسناد اولنان فعل جرم  
تشکیل ایتسه بیله قباحث نوعندن اولسی ایجاب ایدر  
ایکن محکمه مذکوره جه حکم ابتدائینک تصدیقی  
یولنه کیدلسی مخالف قانون بولدیغندن وسائرده دن  
بحثله اعلام میز بهک تقضی استدعا اولنشدر.

تبلیغنامه ده ایسه لایحه تمیزیه ده درمیان اولنان  
اعتراضاتک بحاکم کورندیکی بیانیله ذکر اولنان اعلامک  
نقضی طلب ایدلشدر.

ایجابی لدی المذاکره مندرجات اعلامه نظراً  
مظنونه اسناد اولنان جرم اتمک طبخندن امتناع  
کیفیتی اولوب محکمه مزبورجه اشبو فعلک جزاسی



اولمق اوزره ایککیوز اوتوز طقوزنجی ماده قانونیه نک تطبیق اولسان فقره اخیریه سی حوایج ضروریه دن بولنان اتمک و محاللی بیعدن استکفاف ایدنلره عائد و منحصر بولمسنه و طبخدن امتناع و بیعدن استکفاف کیفیتلری آرو آرو شیر اوله رق برینه تعیین اولنان جزانک دیکری حقدنه علی طریق القیاس مابه التطبيق اوله میه جفی درکار اولمسنه مبنی اعلام مذکور مخالف قانون اولوب لایحه تمیزیه ده بوجهته دأر سرد اولنان اعتراض بجا و نقض حکمی مستلزم اسباب قانونیه دن کورنش اولدیغندن اصول محاکمات جزائییه قانوننک اوچوز اون دردنجی و اوچوز اون طقوزنجی ماده لری احکامنه توفیقاً اعلام میز بهک بر موجب تبلیغنامه نقضه و احکام قانونیه دائره سنده ایفای معامله ایملک اوزره اوراق مرقومه نک محانه اعاده سنه ۱۵ مایس سنه ۳۳۳ تاریخده متفقاً قرار ویرلدی .

محمد افندی ابن سلیمان قتل ایله یکی ادعا اولمسنندن دولای جنایتله اتهام اولسان نعلبند چراغی اساعیلک اون بش سنه مدته کورکه قولمسنه دأر تکفور طانگی سنجانگی بدایت محکمه سی جزا دائره سندن اعطا قلنان ۴۸۷ نومرولی اعلام

زوجه سی فاطمه نک کیفیت قتلندن دولای جنایتله اتهام اولنان یوسفک اون بش سنه مدته کورکه قولمسنه دأر بازید سنجانگی بدایت محکمه سی جزا دائره سندن اعطا قلنان ۹۲ نومرولی اعلام

متره نک جرحندن دولای جنایتله اتهام اولنان برادری دینو ولد ایچوبوقونک بش سنه مدته کورکه قولمسنه دأر سالنیک ولایتی استیناف محکمه سی جزا دائره سندن اعطا قلنان ۴۳۳ نومرولی اعلام

طاهر بن سلیمان قتل ایله یکی ادعا اولمسنندن دولای جنایتله اتهام اولنان طالب بن درویشک اون سنه مدته کورکه قولمسنه دأر دراج سنجانگی بدایت محکمه سی جزا دائره سندن اعطا قلنان ۱۸ نومرولی اعلام

چهارشنبه کونی تعیین قلندی .

یوم مذکورده متهمان توقیفخانه دن کتوردیلره رک و مدافعه وکیل حمدی افندی و مدعی عمومی معاونلرندن عزتلو سمیح بک و عطف جرم بولمسی حسابیه و متهملرک قبولیه ضمیمه وکیل مدافع تعیین قلنان و اوراق دعوائی مطالعه ایله مدافعه یه میا ایدوکنی سولیان محکمه نزدنده مستخدم دعوی وکیللرندن قدوسی و مشتکیلرندن ظفیری افندیلر حاضر اولدقلری حالده محاکمه سالوننه چقیقه رق دیکر مشتکی طودوری افندی ایله قسطنینک دعوت واقعیه اجابت ایتمدکلری اجلدن معاون مومی الیهک مطالعه سی وجهه مشتکی طودوری افندی ایله قسطنینک عدم ورودلری حقوق عمومیه دعواسنک تأخیرینه باعث اوله میه جفی جهته غیابلرنده رؤیت دعوی قرارگیر اولدقدن و متهمانک

دولای جنایتله اتهام اولنان اساعیل بن راشدک اون بش سنه مدته کورکه قولمسنه دأر تکفور طانگی سنجانگی بدایت محکمه سی جزا دائره سندن اعطا قلنان ۵۹۸ نومرولی اعلام

حسین اوغلی مؤمنی قتل قصدیه جرح ایله یکی ادعا اولمسنندن دولای جنایتله اتهام اولنان عثمان اوغلی حسینک درت سنه مدته کورکه قولمسنه دأر ادرنه ولایتی استیناف محکمه سی جزا دائره سندن اعطا قلنان ۱۱۲ نومرولی اعلام محکمه تمیز جزا دائره سنجه تصدیق قلمشدر .

درسعادت جنایت محکمه سندن تنظیم و اعطا قلنان اعلامدر :

اوچوز یکرمی اوچ سنه سی مارتنک دردنجی کیجه سی مرجان جاده سنده طودوری و ظفیری افندیلره ترزی قسطنینک لایلاً و مسلحاً اوکلرینه چقیقه رق تقود و اشیارلری اخذ و غضب ایتمدکلری ادعاسیه مظنون علیهما اولان مرجانده نصوحی خاننده ساکن و بالیه باغلا ییجیسی اولدیغنی و یکرمی آتی یاشنده ایدوکنی سولیان ایرانی مشهد علی بن حسن و مذکور خانده مقیم آشچی ایدوکنی سولیان اوتوز آتی یاشنده ایرانی عبدالعلی بن کر بلا علینک جنایتله اتهاملرینه دأر هیئت اتهامیه دن تنظیم قلنان مضطه و استیناف مدعی عمومیملکنک ۵ هزاران سنه ۳۳۳ تاریخ ۶۶ نومرولی اتهامنامه سی مع تفرعات محکمه جنایتیه تودیع قلمغه بالمطالعه تفصیلاتی اولبابده طوتیلان ضبطنامه دن مستبان اوله جفی وجهه اصول محاکمات جزائییه قانوننک باب نایسنک فصل رابعده محرر اولان مواد ابتدائی و جاهیه بعدالایفا متهمان مشهدعلی و عبدالعلینک اجرای محاکمه لری ضمنده جزیرانک بکرمی بدنجی

هویتلری لدی التدقیق استجواب ضبطنامه سنده محرر اولدیغنی وجهه تعیین ایتمدکن و مرقومان ایله وکیلان مومی الیهمایه اخطارات قانونیه ایفا قلدقندن صوکره هیئت اتهامیه مضطه سی ایله اتهامنامه ضبط کاتبلرندن فرید بک طرفندن قرائت اولندی .

مضطه ده مظنون علیهما ایرانی علی ایله عبدالعلینک طودوری و ظفیری افندیلر ایله ترزی قسطنینک لایلاً اوکلرینه چقیقه رق تقود و اشیارلری اخذ و غضب ایتملرندن طولای اتهاملرینه اوراق تحقیقه ده محرر دلائل و امارات کافی کورلمش و حرکتلری قانون جزانک ایکی یوز اون طقوزنجی ماده سی حکمنی مستلزم افعال جنائییه دن بولنش اولدیغندن بجنه جنایتله اتهاملرینه قرار ویرلدیکی محرر و اتهامنامه ده دخی مرقومانک اولوجهه متهم بولندقلری مسطر در .

اتهامنامه نک خلاصه سی جانب ریاستدن متهمان مرقومانه تفهیم و انبا و معاون مومی الیه جانبندن دخی تشریح دعوی اولمسنی معقب غندالحاجوبه متهمان مرقوماندن علی کندوسنی حاجی احمدک خانه سنده سرخوش ایتمدکن صوکره میخانه یه وبعده قهوه خانه یه کوتوردیکی و اشیادن معلوماتی و سرقتدن خبری اولدیغنی سولیکله استطافاً رفیقی عبدالعلی بر قاج دفعهل کندوسنه سرقق ایقاعنی تکلیف ایتش ایسه ده قبول ایتمدکی و فقط اخیراً حال سکرانده بولندینی برزمانده شمدی بورادن چقار راست کلنی صویارز دیرهک تشویقه باشلادیغنی حالده یسنه قبول ایتماسی اوزرینه سن طوتلسه کده بن قورتایرم یاخود حبسخانه ده سنی بسلام دیو اغفال ایلمدکندن آلاجه هام جوارنده کی باغچه لی میخانه دن قالقوب مرجان یقوشنی چقارلر ایکن مرقوم عبدالعلی کندو سندن افشاکله آرقه لرندن لکنده اولان انجه قره بیقلی کنج برشخصک اوزرینه هجوم و یحاق کشیده ایدرک طور دیمسی اوزرینه شخص مرقوم امان بی اولدیره چکمیسک نه ایستر ایسه ک آله جانمه قیبه دیدیکندن عبدالعلی برالنده صالدریمه اولدیغنی حالده دیکر ایله مرقومک جیلرینی قارشدیردیغنی و آرقه سندن پالطوسنی دخی چکوب آلدیغنی و اوکیجه اوزون چارشو باشنده اجزخانه یه یقین بر محله ده بیقلی بر شخصک اوزرینه هجوم ایله عین معامله یی اجرا ویرساعتی اخذه اجترایلمدکی و مؤخرأ مأمورین ضابطه نک بالطوبی عبدالعلینک یتاغی اوستندن وساعتی یصدینی آلتندن و صالدریمه یه ده کندی یتاغی ایله دیوارک آرقه سندن چیقاردقلری ویرانی حاجی احمدی لیه مذکورده عباسک قهوه خانه سی اوکندن مرور ایتمدکی هنکامده کورمش ایسه ده مرقومک هیچ

برشیدن خبری اولدیغنی و بوسرقتلری بروجه مبسوط عبدالعلی ایله برلکده اجرا ایتش اولدقلری حالده مجرد مرقومی اله ویرمامک ایچون حاجی احمد عطف جرم ایتمدکی و مرقوم حاجی احمد ایله بورکی حافظ احمدی دخی بووقعه دن طولای شبه اوزرینه دردت ایتش ایسه لره مرقومانک مدخللری بولندیغنی سولیدیکی اکلاشیله رق کندوسنه اخطار و حقیقت حال استفسار اولدقدنه ایملک افاده سی وجهه رفیقی حاجی احمد اولوب متهم عبدالعلینک سرقته دخی بولندیغنی و استطافاً کوردیکی تصدیق اوزرینه اوله سولیدیکی و اشیا یی مسروقینی حاجی احمد کتوروب اوطنیه برافدیغنی و قهوه خانه ده برلکده کتدکلرینی و تضییقاتی اثبات ایده میه چکی درمیان ایلدی .

دیکر متهم عبدالعلی کندوسی خسته اولوب سرقندن دخل و معلوماتی اولدیغنی و بویکی معامله جبرو شدت اجرا سنه ذاتاً خسته لکی حسابیه مقتدر بولندیغنی و مشهد علی کندوسنه عطف جرم ایله اقترایتمکده اولوب انترایتمنک سببی ایسه بیلمدیکی و مرقومک حضور محکمه ده سرقته رفیقی حاجی احمد اولدیغنی سولیس کندوسنی تهمندن مصون قیله جفی سولیدی .

مشتکی ظفیری افندی و قعه کیجه سی ساعت بر یحاق قرارلرنده سرکجیدن قالقهرق اقامتگاهنه کیتنک اوزره فنجانخیر یقوشنک آلت باشنده کی خلواجی دکاننک اوکنه کلدیکنده زقاق ایچروسندن ایکی کشتی ظهور و اوزرینه هجوم ایله برلی جاکتنک آلتندن بر یحاق چقارده رق کوکسنه طوغری براییکی دفعه صالایوب صوبون دیمکه برابر دیکر ایله دخی اوزرینی بالتحری بلکنک جینده بولنان قرق اوچ غروش ایله بانظولنک جینده بولنان اوتوز اوچلی وایری دانلی صدف تسبیحی و آرقه سندن جاکتنی آله رق یقوشدن یوقاری یه فرار ایتمدکلرینی درمیان و بویکی کشیدن برلنک حضور محکمه ده کی متهملرندن مشهد علی ایدوکنی و دیکرینی ایوجه تشخیص ایده مدیکی اتیان ایتدی .

ورود ایتیان مشتکیلرک افاده مضبوطه لرینی شامل استطاقنامه و زورنال اوقوتدیرلقدنه بولرندن طودوری افندی بک برکیجه سعادت غزته سی مدیری فتی بکک خانه سندن چقوب اقامتگاهنه کیتنک اوزره اسکی ضبطیه جوارینه ورونده دیون عمومیه جهتندن آیریلان زقائنک کوشه سندن ایکی کشتی چقیقه رق و اوزرینه هجوم ایدرک باشنه ایکی یومروق اوروب برلی اغزینی قهانه رق جیلرینی بالتحری ایکی مجیدیه وایرم انکلیز اوچ چاریک ایله کسوراتدن

عبارت قانون ایچی رنکلی کیسه دروننده بولنان انجه سنی اخذ و سرقته صاووشملرندن ناشی قره غولخانه یه کیدوب و قعه یی اخبار ایتمدکی و ایکی کون صوکره قره غولخانه دن چاغیرلغه کیتدیکنده اراانه ایتمدکلری ایکی شخصدن مشهد علی نامنده اولانی کندوسنه هجوم و تقودینی اخذ و غضب ایدن شخصه بکرتدیکی افاده و ترزی قسطنینکده برجه ابرتسی کیجه سی رضا پاشا یقوشنک آلت باشندن چقوب دکانه کیتنک اوزره جاده دن مرور ایدرک یقوشنک باشنه چقدیغنده برلننک التده کیر بر صالدریمه اولدیغنی حالده ایکی شخص اوکنه چقیقه رق و تسایم اول دیرهک اوزرینه هجوم ایتمدکلرین جانمه قیبه نه واریسه الیکز دیدیکنده مرقوماندن برلی جینه الی صوقره رق برطرفی آچقی جاملی فاقفون ساعتیه دیکر جینده بولنان اوچ غروش اخذایله صاووشدقلرینی و چاقا قیلر یقوشنک اوست باشنه چقدیغنده کوشه ده نقطه بکلمکده اولان پولیس مأمورینه حکایه حال ایدرک برلکده قره غولخانه یه کیتدکلرینی و مأمورین ضابطه طرفندن اجرا ایدیلان تحری نتیجه سنده بعض اشیا و قما ایله برابر ایکی شخص دردت اولنه رق کندوسنه اراانه اولدقدنه اشیا میاننده کی قنائک کندوسنه قارشو تشهیر اولنان قما ایدوکنی و ساعته کندوسنک اولدیغنی تعیین ایتش ایسه ده کندوسنه هجوم ایدن شخصلرک یوزلرینه دقتله باقدیغنی جهته تشخیص ایده مدیکی و فقط لسانلرندن ایرانی اولدقلرینی اکلادیغنی حکایه ایلدکلری اکلاشلمشدر .

( مابعدی کله جک نسخه یه )

استاورینک پولیس غازی افندی بی اجرای وظیفه حالده ضرب ایلمدکی ثابت اولدیغندن الی آی مدته حبسنه حاجی احمدک دیکر احمدی ضرب ایتمدکی ثابت اولدیغندن برهفته مدته حبسنه میچونک خلاف ممنوعیت لوتاریه جلیق ایتمدکی ثابت اولدیغندن کندوسندن بش بشلک جزای تقدی آلمسنه بک اوغلی بدایت محکمه سی جزا دائره سنجه قرار ویرلشدر .


مجلسات انتدابیه

بی صعب قضای نائی و بدایت محکمه سی رؤسی عثمان زکی واعضادن مستطقی ابراهیم افندیلرک مواد معینه قانونیه ده خلاف اصول معاملات متجاسر اولدقلری بیروت ولایتی استیناف مدعی عمومیملکندن و ارد اولان اوراق تحقیقه مندرجاتندن مستبان

## الانبات

### نجات بحیره فکده سنده :

استانبولده بالی بازارنده شکر جی زقاغنده مغازسنده ساکن ایکن تجارت بحیره حکمه سندن افلاسنه حکم اولنش اولان لنا برادرلر شرکتی ذمتده آله جفی اثبات ویا موقتاً قبول و قید ایتدیرمش اولان آله جقونک قانوننامه تجارتک ۲۱ نجی و آتی ولی ایدن ماده سی موجنبه مفلس طرفندن تکلیف اوله جحق قوقورداتونک مذاکره سی ایچون [ ۶ کونی محکمه مذکورده نک مصالح افلاسیه رؤیته خصوص اوطنه سنه کلری اعلان اولنور .



### وسعادت اعمومات نظامه امرار واره سنده :

نشان طاشنده ساکنه لوسیه منیره خانمک شبیلیده حصو زقاغنده اون اوچ نومرولی خانه ده مقیم ایکن الیوم اقامتگاهکی مجهول دیون عمومیه عثمانیه مفتشلرندن فتحه افندی منصور ذمتده آلاچی اولان اوچوز طقسان بش عدد عثمانی لیراسنک مع قاضی و مصارف



محاکمه تحصیلی در سعادت بدایت محکمه سی برنجی حقوق دائره سندن معطی بر قطعه اعلام ایله محکوم بولنش و مدیون مومی الیهک غیبوتی آکلا شلمسینه مبنی اعلام مذکورک صورت مصدقه سی علی الاصول اعلان صورتیسه تبلیغ ایدیلرک الیوم ظهور ایتدیکنندن اجرا قانونک یکر می طقوزنجی ماده سی موجبجه مومی الیهک طقسان بر کونه قدر اثبات وجود ایتدیکی حالده مدعی طرفندن وقوع بوله حق مطالبات قانونیه نک ایفاسیله حکم اعلامک اجراسی جهته کیدیلرک محکمه سی در سعادت اعلامات نظامیه اجرا دائره سندن اعلان اولنور .

### بک اوغلی بدایت محکمه سی اجرا دائره سنده :

حمیه خانمک سعادتلو حسین بک افندی ذمتده بک اوغلی بدایت محکمه سی ایکنجی حقوق دائره سنک ایکی قطعه اعلامیه محکوم به آله جنی اولان مبالغ معلومه نک تأمین استیفاسی ضمنده مدیون مومی الیهک پدری محمد رائف اغدن انتقالاً متصرف اولدینی در سعادتده آلاجه حمام قربنده چلبی علاء الدین محله سنده مصر چارشوسنده ارزاق انباری دروننده کائن یدی ویکرمی یدی نومرولرله مرقم ایکی باب مغازه ده یوز یکر میشر سهم اعتباریه قرقر سهمی جز آله آله رق تاریخ اعلاندن اعتباراً اون بش کون صوکره بالمزاید فروخته تشبث اولنه جغندن طالب اولوب بوندن زیاده معلومات آلق ایستینلرک بک اوغلی بدایت محکمه سی اجرا دائره سنده مراجعت ایللری اعلان اولنور .

امینه وحلیمه خانمک بک اوغلی بدایت محکمه سی برنجی حقوق دائره سندن لاحق اولان ایکی قطعه اعلام موجبجه بهیه وکریمه سی صدرک نام دیگر فاطمه صابره خانمک ایله مخدومی عثمان حمدی افندی ذمتلرند محکوم به مطلوبلری اولان مبالغ معلومه نک تأمین استیفاسی ضمنده مدیونلرک قاسم پاشاده حاجی شعبان محله سنده آقارجه زقاغنده کائن و تخمیناً سکسان ذراع معماری عرصه اوزرینه مبنی و بر مقدار آره لغی و بر قیوی و ایکی قاتدن عبارت درت اوطه و بر صفه و بر مطبخی حاوی ناتمام و خراب اوتوزالتی نومرولی بر باب خانه ایله اتصائلده کائن اوتوز درت و اوتوز ایکی و بر قیوی مشتمل اوتوز درت نومرولی اوچ قطعه عرصه ده شایعاً و منتقلاً متصرف اولدقلری حصه لری لدی المزاید بهری بشریوز غروش آلتون اچه بدل ایله طالبلری عهده سنده تقرر ایتش

اولدیغندن اشبو تاریخ اعلاندن اعتباراً اوتوز بر کون ظرفنده لاقل یوزده بش ضم ایله طالب اولانلرک یوزده اون نسبتنده کی پی و دیپوزیتو اچه لری نی مستصحباً بک اوغلی بدایت محکمه سی اجرا دائره سنده مراجعت ایللری ومدت مذکورک ختامه مصادف اشبو ۳۳۳ سنه سی تشرین اولنک اون طقوزنجی جمعه کونی ساعت سکز راده لرند املاک مذکورک پیشکاهنه عزیمت ایده جک اولان مأموری مواجهه سنده حاضر بولنلری اعلان اولنور .

اکمکچی اصنافندن ارکریلی متوفی کریونک خدیجه عزیزه خانم با اعلام محکوم به دینی اولان معلوم المقدار مبالغک تأمین استیفاسی ضمنده داینه مزبوره عهده سنده وفاء مفروغ و فروختی محکوم بولنان غلطه ده بلبل زقاغنده کائن یکر می اوچ ویکرمی بش نومرولی معلوم الحدود درت قاتدن عبارت و هربری ایکیشر اوطه و مطبخ و آبدستخانه نی مشتمل ایکی باب فرون لدی المزاید یتشیک غروش آلتون اچه بدل ایله طالبی عهده سنده تقرر ایدرک موقت قراردادده سی چکلمش اولدیغندن اشبو تاریخ اعلاندن اعتباراً اوتوز بر کون ظرفنده لاقل یوزده بش ضم ایله طالب اولانلرک یوزده اون نسبتنده کی پی اچه لری نی مستصحباً بک اوغلی بدایت محکمه سی اجرا دائره سنده مراجعت ایتلری ومدت مذکورک ختامه مصادف کله جک تشرین ثانیکن ایکنجی جمعه کونی ساعت طقوز قرارلرند محل مذکورده صوک مزایدۀ علیه سی اجرا و قراردادۀ قطعیسی کشیده اولنق اوزره سالف الذکر املاک پیشکاهنه عزیمت ایده جک اولان مأموری مواجهه سنده حاضر بولنلری اعلان اولنور .

اسما خانمک متوفی آنیکتوس ولد نظرت ذمتده آلاجنی اولوب ترکه سندن اولنق اوزره حصراً ورثه سی بولنان زوجیه سی طاقوهی قادین ایله کبیر مخدومی نظرتدن تحصیله بک اوغلی بدایت محکمه سی ایکنجی حقوق دائره سنک ۲۷ کانون اول سنه ۳۳۰ تاریخی اعلامی ایله حکم ویریلان یوز آلتش ایکی لیرا اون غروشک مع فائض و مصارف محاکمه تحصیل واستیفاسی ضمنده داینه مومی الیهانک زوجی عبدالرحمن لطفی بکک نامنه فراغ بالوفا ایله مقید و فروختی سالف الذکر اعلامه مستند اولان روم ایلی حصارنده علی پردک محله سنده حصار جاده سنده آلتش بش نومرو ایله مرقم بربر کدکی حرمین محترمین کدکاتندن وملکی قصاب باشی مرحوم الحاج عثمان اغانک کریمه سی فاطمه خانم وقفندن معلوم الحدود و مقدما بر باب دکان والیوم

احتراتی جهتیله آلتنده ایکی کوز قایقخانه نی مشتمل عرصه - نک ملک و کدکنک نصف حصه سی لدی المزاید بشیک ایکی یوز غروش آلتون اچه بدل ایله طالبی عهده سنده تقرر ایدرک موقت قراردادده سی چکلمش اولدیغندن اشبو تاریخ اعلاندن اعتباراً اوتوز بر کون مدت ظرفنده لاقل یوزده بش ضمیله طالب اولانلرک یوزده اون نسبتنده کی پی اچه لری نی مستصحباً بک اوغلی بدایت محکمه سی اجرا دائره سنده مراجعت ایتلری ومدت مذکورک ختامه مصادف اشبو تشرین اولک اوتوز برنجی چهارشنبه کونی ساعت سکز قرارلرند محنده صوک مزایدۀ علیه اجرا و قراردادۀ قطعیسی کشیده اولنق اوزره سالف الذکر عرصه پیشکاهنه عزیمت ایده جک اولان مأموری مواجهه سنده حاضر بولنلری دائره مذکورده دن اعلان اولنور .

حسن حسنی پاشا زاده مصطفی ثریا بک افندیکن بک اوغلی بدایت محکمه سی برنجی حقوق دائره سنک ۵ تموز سنه ۳۳۲ تاریخی بر قطعه اعلامی ایله عباسز اوغلی ورثه سندن کبیر مخدوملری عزت و حسنی وراسم و فاتح افندیلر و کبیر کریمه لری رفیع و امینه و خیریه و صغیره قیزی صافیه نک وصیه و والده سی خدیجه خانمکله راقیجیان سرکز واسماعیل افندیلر و سائر ذمتلرند محکوم به آلاجنی اولان مبالغ معلومه نک تأمین استیفاسی ایچون زونغولداق قضا سنده قوزلیده کائن معلوم الحدود یکر می بر نومرولی شرکت احسانیه و مرطاط نام طاش کور اوجاقلرند مدیون مومی الیهک عهده تصرفلرند اولوب داین مومی الیه نامنه فراغ بالوفا ایله مقید و فروخته حکم و قرار ویریلان یتش سهرلری لدی المزاید اوجیک ایکی یوز لیرا بدل ایله طالبی عهده سنده تقرر ایدرک موقت قراردادده سی چکلمش اولدیغندن اشبو تاریخ اعلاندن اعتباراً اوتوز بر کون ایچنده مذکور اوجاقلر اسهام معلومه سنده لاقل یوزده بش ضمیله طالب اولانلرک یوزده اون نسبتنده کی دیپوزیتو و پی اچه لری نی مستصحباً بک اوغلی و محلی بدایت محکمه لری اجرا دائره لرینه مراجعت ایتلری ومدت مذکورک ختامه مصادف کله جک تشرین ثانیکن اوچنجی جمعه ایرتسی کونی صوک مزایدۀ علیه سی اجرا و قراردادۀ قطعیسی کشیده اولنق اوزره مذکور اوجاقلر پیشکاهنه عزیمت ایده جک اولان مأمور مخصوصی مواجهه سنده حاضر بولنلری و بالاخره ده دائره مذکوریه مراجعت ایللری اعلان اولنور .